



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

10. Reverendiss. Pater &c. Declaratio Reverendissimi Patris Michaelis  
Angeli Tamburini Præpositi Generalis Societatis Jesu super Postulato  
unanimiter sibi facto à RR. Patribus Assistentibus Nationum, ...

---

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)



1711.

1711.

tura à R. P. D. Assessore Sancti Officii Sanctissimi D. Nostro Domino Clementi Divinâ Providentiâ Papæ XI. eadem die in solitâ audientiâ relatum Sanctitas Sua approbavit, & executioni demandari iussit.

Cum verò postmodum aliis ejusdem D. Nuncii, & pluribus aliorum literis Sacræ Congregationi nunciatus fuerit infelix, ac unquam deplorabilis ejusdem Archiepiscopi obitus, absque ullo pœnitentiâ de præfatâ publicâ inobedientiâ signo, immò cum repetitâ novis; & enixis supradicti Auditoris adhortationibus repugnantia, atque obfirmatione, præsertim in denegandâ debitâ subjectione Decretis Apostolicis, ac subscriptione novissimæ Constitutionis Sanctissimi Domini Nostri, quæ incipit *Vineam Domini &c.* adversus Jansenianam hæresim; Eadem Sacra Congregatio die 14 Januarii 1711., re iterum maturè discussâ, quamvis non sine maximo omnium Eminentissimorum Patrum dolore, censuit supradictum Decretum die 30. Decembris 1710. editum esse exequendum, & per eundem D. Nuncium, non tam ad damnandam Defuncti memoriam, quam ad aliorum Contumaciam, ac refractoriorum exemplum, & admonitionem, ut tremendi Judicii Dei memores, salutem Animarum suarum opportunè consulant, omnibus per Hollandiam Catholicis significandum esse. Quæ omnia, & singula per R. P. D. Assessorem eadem die in solita audientiâ Sanctissimo Domino Nostro relata Sanctitas Sua, prout idem R. P. D. Assessor retulit, in omnibus, & per omnia benignè approbavit, & executioni demandari iussit.

*Josephus Bartolus S. Romanæ, & Universalis Inquisitionis Not.*

## DECLARATIO

X.

Reverendissimi Patris Michaelis Angeli Tamburini Præpositi Generalis Societatis Jesu super Postulato unanimiter sibi factò à RR. Patribus Assistentibus Nationum, & Procuratoribus Provinciarum ejusdem Soc. Romæ Congregatis Mense Novembri 1711. Sanctissimo Domino Nostro Domino Clementi XI. Pontifici Maximo humiliter oblata ab eodem P. Præposito Gen. die 20. ejusdem mensis.

Die 20. Novembris 1711.

Reverendiss. Pater Michael Angelus Tamburinus Præpositus Generalis Societatis Jesu, provolutus ad pedes Sanctiss. D. N. D. Clementis Divinâ Providentiâ Papæ XI. in Palatio Apostolico Quirinali, unâ cum PP. Assistentibus Nationum, ac Procuratoribus singularum Provinciarum dictæ Societatis, obtulit Sanctitati Suae per modum supplicis libelli scripturam tenoris, qui sequitur, videlicet:

Foris:

Sanctissimo D. Nostro Clementi Papæ XI.  
Propræposito Generalis Societatis Jesu.

Intus verò.

Inter Postulata, quæ Patres Procuratores missi Romam à singulis Societatis Jesu Provinciis ad consuetam Congregationem Procuratorum indictam in hunc mensem Novembrem anni 1711. proposuere, unum fuit præ cæteris summâ oblatum contentione, & acerrimis omnium studijs, vo-

tisque commendatum, tanquam longè maximi ad suarum Provinciarum pacem, & existimationem momenti.

In hoc Postulato significant Præposito Generali lacerari Societatis universæ nomen indignissimâ accusatione, quæ illi majorem inurit dolorem, quam innumerabiles aliæ accusationes, obreftationes, & calumniæ contrâ eandem fabricari, & disseminari solitæ; & quâ se fatetur ad vivum vulnerari, & pupillam oculi sui tangi.

Accusationem hanc vehementiores Adversarii his verbis informant: *Erga Decreta Pontificia præ cæteris exactam submissionem, cæcâque obedientiam buccinant Jesuitæ; ab ea tamen præ cæteris deficiunt, dum ad salvam decreta non sicut. . . . Religiosos Societatis præ cæteris inobedientes esse Constitutionibus Apostolicis.*

Eam ob rem prædicti Patres Procuratores ad refellendam omni ope tam probrosam, quam à veritate alienam accusationem, simulque ad declarandum Societatis dolorem, cum se tam gravi, tam acerbo vulnere peritâ sentit; unâ voce postularunt, ac faciendum judicaverunt, ut solemnî, & legitimâ quadam actione, quæ vim, & locum obtineret cujuscumque Apologiæ, Præpositus Generalis Societatis nomine totius Ordinis confirmaret, contestaretur, ac declararet, provolutus ad Sanctitatis Suae pedes, & coram Ecclesiâ universâ; constantissimam, immutabilem, invictam totius Societatis Jesu fidem in amplectendis, obeundis, & ad ultimum usque spiritum exequendis, quæcumque fuerint à Sede Apostolica præscripta; constituta, & imperata, & nominatim quod spectat ad Decreta per suam Sanctitatem edita de ritibus Sinenfibus tum anno 1704. die 20. Novembris, tum anno 1710. die 25. Septembris; Quæ quidem Decreta, etiam prout à Sanctitate Sua explicata, & exposita fuerunt in literis ejus nominè scriptis ab Illustrissimo, & Reverendissimo Domino Assessore Sancti Officii ad Reverendum admodum Patrem Præpositum Generalem Societatis sub die 11. mensis Octobris anno 1710. inconcusse, & inviolabiliter, sub censuris, & pœnis ibidem expressis, sine ullâ contradictione, tergiverfatione, aut cunctatione, quovis contrafaciendi quasi colore, aut prætextu penitus sublato, sibi adamussim observanda, & exequenda, sponte, & ultrò admittit, & amplectitur Societas universa; atque ita obloquentium ora obstructum iri confidit.

Huic Postulato unâ cum Patribus Assistentibus iidem Patres Procuratores Romæ convocati propria manu subscripsere.

Michael Dias Assistentis Lusitaniæ.

Andreas Vvaibl Assistentis Germaniæ.

Jo. Vincentius Imperialis Assistentis Italiæ.

Guillelmus Daubenton Assistentis Franciæ.

Ludovicus de Montedoca Assistentis Hispaniæ.

Matthias Karski Procurator Lituaniæ.

Richardus Plovuden Procurator Angliæ.

Stephanus Sczainecki Procurator Poloniæ.

Joseph Vice comes Procurator Provinciæ Mediolanensis.

Carolus Franciscus Demachault Procurator Campaniæ.

Carolus Dauchez Procurator Franciæ.

Josephus Preiff Procurator Germaniæ Superioris.

Jo. Baptistus Spinula Procurator Provinciæ Romanæ.

Antonius Milesius Procurator Provinciæ Venetæ.

Andrea Dehmaz Procurator Rheni Superioris.

Joannes Petrus du Fornel Procurator Provinciæ Tolosanae.



1711.

Gaspar Buhon Procurator Provinciae Lugdunenensis:  
 Balthasar Vveiman Rheni Inferioris Procurator.  
 Gavinus Silvester Lecca Procurator Sardiniae.  
 Joannes de Bruyn Procurator Flandrobelgij.  
 Franciscus Rescalli Procurator Austriae.  
 Joannes Capeta Procurator Bohemiae.  
 Dominicus Viva Procurator Neapolitanæ.  
 Joannes Baptista de Fourmeftaux Procurator Gallobelgicae.  
 Antonius Franciscus Joseph Provana Procurator Sinenfis.

## BEATISSIME PATER.

**T**Am iustis, tam gravibus, ac necessariis PP. Procuratorum Postulatis obsecundans Præpositus Generalis Societatis Jesu ad Sanctitatis Vestrae pedes humilimè provolutus, quocumque optimo, ac certissimo modo potest, cum omni asservatione, ac sinceritate suo, ac totius Societatis nomine profitetur, ac declarat Sanctitati Vestrae, & Sanctæ Sedi Apostolicæ, constantissimum obsequium, reverentissimam submissionem, & obedientiam cæcam, in amplectendis, & exequendis quæcumque per eandem Sanctam Sedem decreta fuerint, & imperata; iisque potissimum, quæ circa Sinicos ritus edita sunt, tum anno 1704. die 20. Novembris, tum anno 1710. die 25. Septembris. Quæ quidem Decreta, etiam prout à Sanctitate Vestra explicata, & exposita fuerunt in Literis Sanctitatis Vestrae nomine eidem Præposito Generali scriptis ab Illustrissimo, & Reverendissimo Domino Assessore S. Officij sub die 11. Octobris anno 1710. inconcussè, & inviolabiliter, sub censuris, & pœnis ibidem expressis, sine ulla contradictione, tergiversatione, aut cunctatione, quovis contrafaciendi quæsito colore, aut prætextu penitus sublato, sibi adamussim observanda, & exequenda sponte, & ultrò admittit, & amplectitur Societas. Univerfa, Testatur autem idem Præpositus Generalis hanc esse vocem, hoc votum, hunc spiritum, Societatis Univerfae, hunc, & futurum esse: sicut proculdubio semper fuit.

Quod si quis nihilominus è nostris esset ubicumque terrarum (quod avertant Superi) qui aliter sentiret, & loqueretur, aut locuturus esset: nam id omninò prævenire, aut impedire nulla satis potest humana prudentia, in tantâ Subditorum multitudine: declarat, asserit, ac profitetur Præpositus Generalis nomine totius Societatis, se jam nunc illum reprobare, repudiare; ac meritâ castigandum pœnâ, neque agnoscendum pro vero, & genuino filio Societatis: Illum tanquam degenerem, & non suum, habeat, ubi tales semper habuit, & modò habet Societas, & quantum poterit, semper compefcet, comprimet, & conteret.

Ea mens, hoc propositum, ea contestatio, Societatis est, quam ejus totius nomine deponit ad Sanctissimos Pedes Beatitudinis Vestrae Præpositus ipsius Generalis; ut inde per universam disseminetur, ac spargatur Ecclesiam, Quod si ad exprimendam efficacius Societatis in hac protestatione mentem, inveniri verba possent clariora, & magis significantia, aut formulæ magis distinctæ, disertæque ad obstruendum omnem cavillationibus, & finistris interpretationibus aditum; intendit, optat vult Præpositus Generalis, ut ea, quæ in hoc Scripto adhibet, verba vim omnem aliorum quorumcumque magis idoneorum habeant: fateturque sibi non occurriffe ulla meliora, & apertiora, quibus veram, & sinceram totius Societatis mentem declararet.

Ex Domo Professâ Romanâ die 20. Nov. 1711.  
 Ita fatetur, & protestatur.

*Michael Angelas Tamburinus Præpositus Generalis*  
 Idem verò Sanctissimus Dominus Noster supradictos Patres Præpositum Generalem, necnon Assistentes Nationum, ac Procuratores Provinciarum ejusdem Societatis, quam Sanctitas Sua in visceribus gerit paternæ suæ Charitatis, benignè, exceptit: oblatamque sibi Declarationem præmissam Typis mandari, ac per vulgari posse permisit.

## DECRETUM

Quo tria Opuscula in Galliis adversus Apostolicam Constitutionem Unigenitus evulgata proscrubuntur.

Feria 4. die 2. Maji 1714.

**S**acra Congregatio Eminentissimorum, & Reverendiss. Dominorum Sanctæ Romanæ Ecclesiæ Cardinalium in totâ Republicâ Christianâ Generalium Inquisitorum habita in Conventu S. Mariæ super Minervam: Auditis Censuris plurium Theologorum deputatorum ad examen infrascriptorum Foliorum Gallico idiomate nuper editorum: Ipsisque Censuris Sanctissimo Domino Nostro Clementi Papæ XI. relatis unâ cum eorumdem Dominorum Cardinalium votis, de mandato Sanctitatis Suæ præsentî Decreto prohibet, & damnat eadem Folia.

Primum scilicet sub titulo: *Lettre Pastorale, & Mandement de Monseigneur l'Evêque de Boulogne au sujet de la Constitution de Notre Saint Pere le Pape du 8. Septembre 1713.*: quod incipit: *Pierre &c. Ce qui s'est passé &c.* & definit: *Donné à Boulogne le 12. Mars 1714.* tanquam, ut minimum, captiosum, scandalosum, temerarium, Sanctæ Sedi Apostolicæ injuriosum, redolens schisma, & in illud inducens, erroneum & sapiens hæresim.

Secundum sub titulo: *Lettre Pastorale, & Mandement de Monseigneur l'Illustrissime, & Reverendissime Evêque Comte de Chalons, Pair de France au sujet de la Constitution de Notre S. Pere le Pape du 8. Septembre 1713.*: quod incipit: *Gaston, &c. L'interêt, que vous avez pris: & definit: Donné à Chalons, &c. le quinziesme de Mars. 1714.* tanquam ut minimum, captiosum, scandalosum, temerarium, Sanctæ Sedi Apostolicæ injuriosum, redolens schisma, & in illud inducens, erroneum, & sapiens hæresim.

Tertium demum sub titulo: *Lettre Pastorale, ou Mandement de Monseigneur l'Evêque de Bayonne au sujet de la Constitution de Notre Saint Pere le Pape du 8. Septembre 1713.*: quod incipit: *André &c. Des incommoditez: & definit: Donné à Bayonne &c. ce 22. Mars 1714.*: tanquam, ut minimum, captiosum, scandalosum, temerarium, & Sanctæ Sedi Apostolicæ injuriosum.

Hæc itaque Folia sic prohibita, & damnata per idem Decretum, eadem Sacra Congregatio, de mandato, ut supra, vetat, ne quis cujuscumque sit status, & conditionis, quocumque loco, idioma, & versione impressa, vel imprimenda audeat ullo modo, & sub quocumque prætextu iterum imprimere, vel imprimi facere, neque impressa apud se retinere, & legere licite valeat; Sed ipsa Ordinariis Locorum, aut hæreticæ pravitatis Inquisitoribus statim, & cum effectu tradere, & consignare teneatur sub pœnis in Indice Librorum prohibitorum contentis. Die 5. Maji 1714.

*Joseph Bartolus S. Romanae, & Universalis Inquisitionis Not.*

Die 5. Maji 1714. supradictum Decretum affirmatum, & publicatum fuit ad valvas Basilicæ Principis Apostolorum, Palatii Sancti Officij, ac in aliis locis solitis, & consuetis Urbis per me Franciscum Periniam Sanctissimæ Inquisitionis Cursorem.

EDICTUM

1714.

xi.